



Broj: 01/6-50-1-32-12/05
Sarajevo, 11.03.2005.

Primljeno: 16.3.2005			
Org. jed.	Broj	Prilog	Vrijednost

ZAPISNIK
sa 12. sjednice Komisije za promet i komunikacije

Sjednica je održana 11.03.2005. godine sa početkom u 09,00 sati.

Sjednici su bili nazočni članovi Komisije:

- | | |
|-----------------------|---------------------|
| 1. Miloš Jovanović, | 5. Adem Huskić, |
| 2. Muhamed Moranjkić, | 6. Nenad Mišić, |
| 3. Ivo Lozančić, | 7. Ruža Sopta |
| 4. Selim Bešlagić, | 8. Milorad Živković |

Član Komisije Izet Hadžić, koji je opravdao odsustvo, nije bio nazočan sjednici.

Sjednici su bili nazočni: Beriz Belkić, zastupnik u Zastupničkom domu, dosadašnji privremeni tajnik Komisije Milan Zjajić, novoimenovani tajnik Komisije Vedran Hadžović, studentkinja stažist Jasmina Sazdovski i Isanović Edin iz Istraživačkog centra PS BiH.

Predsjedavajući Miloš Jovanović je predložio sljedeći:

DNEVNI RED

1. Verificiranje Zapisnika sa 11. sjednice održane 17.02.2005. godine
2. Prijedlog zakona o Javnom radio-televizijskom sustavu Bosne i Hercegovine, predlagatelj Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verificiranje Zapisnika sa 11. sjednice održane 17.02.2005. godine

Komisija je jednoglasno verificirala zapisnik sa 11. sjednice, uz prihvaćenu primjedbu člana Komisije Adema Huskića da Zapisnik ne sadrži podatak o amandmanima na Prijedlog zakona o osnovama sigurnosti saobraćaja na putevima u BiH, koje je podnio na ovoj sjednici.

Ad. 2. Prijedlog zakona o Javnom radio-televizijskom sustavu Bosne i Hercegovine, predlagatelj Vijeće ministara BiH

Prije otvaranja rasprave predsjedatelj je konstatirao da su na predloženi zakon amandmane uložili: zastupnik Nikola Špirić i Klub zastupnika HDZ.

Prijedlog, predsjedatelj je upoznao Komisiju sa dopisom ministra za promet i komunikacije, Branka Dokića, kojim Komisiju obavještava da predstavnici Ministarstva nisu u mogućnosti da budu nazočni sjednici Komisije, s molbom da se sjednica odgodi. Predloženo je da, sukladno članu 85. tačka 2. Poslovnika Zastupničkog doma Parlamentarne skupštine BiH, zbog neprisustva predlagatelja sjednici, Komisija utvrdi da je prisustvo predlagatelja nužno i da se odgodi rasprava o ovom pitanju za 21 ili 22. 03 o.g., uz obavezno prisustvo predstavnika predlagatelja.

Nazočni članovi Komisije su podržali ovaj prijedlog, uz ozbiljnu zamjerku na odnos Vijeća ministara posebno nadležnog Ministarstva za promet i komunikacije prema Komisiji.

Ad. 3. Ostala pitanja

Na prijedlog Muhameda Moranjkića, Komisija je jednoglasno odlučila da se od Kolegija Zastupničkog doma traži da od Vijeća ministara, konkretno Ministarstva za promet i komunikacije zatraži da odgovore na pitanja koja su im postavljena na 8. sjednici Komisije održanoj 15.07.2004. godine, na koja, i pored urgencije Komisije, još nije dobijen odgovor. To su sljedeća pitanja, odnosno podaci koje treba dostaviti:

1. uvjeti i kriteriji za raspodjelu dozvola, ko je i na temelju čega propisao uvjete, mikro i makro raspodjelu dozvola, te da se dostavi Pravilnik kojim je to regulirano;
2. uslovi za rad korisnika, posebice potrebit broj vozila kojima korisnici moraju raspolagati;
3. pojašnjenje legendi koje se nalaze u datom Izvještaju, kao i vrste i oznake dozvola, dozvole vezane za međungranični saobraćaj. Za sve treba dostaviti originalnu dokumentaciju;
4. ko je ovlašten za dodjelu dozvola i kako se dozvole dodjeljuju, da li dozvole dodjeljuje Komisija ili neko drugi;
5. postupak oduzimanja dozvola;
6. prava cijena dozvola, ko je i na koji način formirao cijene, na koji način i kome se naplaćuju dozvole po vrstama i vremenskom korištenju;
7. koji prevoznici su tražili a nisu dobili dozvole i zašto;
8. spisak članova Komisije za raspodjelu dozvola i od koga je Komisija formirana;
9. zapisnik o radu Komisije o raspodjeli dozvola;
10. obavještenja prevoznika o raspodjeli dozvola i kada su dozvole dobijene a kada su uručene.

Kako nije bilo drugih prijedloga za ovu tačku dnevnog reda predsjedavajući je u 10,45. sati zaključio sjednicu.

Napomena: Sastavni dio ovog zapisnika je stenogram koji sačinjava Zajednička služba Parlamentarne skupštine BiH.

SEKRETAR KOMISIJE
Vedran Hadžović

PREDSJEDAVAJUĆI KOMISIJE
Miloš Jovanović